

足一尾鳴則俱鳴條支國有鳩鵲形高七尺解人語其國太平則羣翔靈帝時西國獻夜舒荷大如蓋長一丈一莖四蓮夜舒晝卷亦曰日出則舒也故名望舒荷胥徒國有沉明石雞色如丹大如燕常在地中應時而鳴聲能遠徹掘地而得天下太平翔飛而出以爲嘉瑞昆明國有嗽金鳥形如雀而色黃飴以真珠飲以龜腦鳥常吐金屑如粟可以爲器吳越嶠獻背明鳥形如鶴止不向明巢常對北聞鐘磬笙竽之聲則奮翅搖頭含明國有鴻鷺色似鴻形如禿鷺腹

內無腸羽翮附骨而生無皮肉也雌雄相眄則生產有鴛鴦形似鴈生於石穴中萬歲一交則生雛千歲銜毛學飛瀛洲有藏珠鳥如鳳身紺翼丹每翔鳴而吐珠累斛岱輿玉梁有五色蝙蝠黃者無腸倒飛腹向天白者腦重頭垂自挂黑者如鳥至千歲形變如小燕青者毫毛長二寸色如翠赤者止於石穴穴上入天視日出入以上見拾遺記大食弼琶羅國有駱駝鶴長六七尺有翼能飛或燒赤熱銅鐵與之食見異域志

招搖山有狴狴狀如禺而白耳伏行人走食之善走
柎陽山有鹿蜀狀如馬而白首其文如虎而赤尾其
音如謠佩之宜子孫亶爰山有類狀如狸而有髦自
爲牝牡食者不妬基山有獬_音訑狀如羊九尾四耳
其目在背佩之不畏青丘山有獸狀如狐而九尾音
如嬰兒食人食者不蠱柜山有狸力狀如豚有距其
音如狗吠見則其縣多工功長石山有長右狀如禺
而四耳其音如吟見則郡縣大水堯光山有猾褻狀
如人而彘鬣穴居而冬蟄其音如斲木見則縣有大

繇滂玉山有彘狀如虎而牛尾音如吠犬是食人洵

山有彘

音還

狀如羊而無口不可殺也鹿吳山有蠱雕

狀如雕而有角音如嬰兒食人錢來山有羴羊狀如
羊而馬尾其脂可以已腊符禺山有葱聾狀如羊而
赤鬣英山多牝牛竹山毫彘狀如豚而白毛大如笄
而黑端踰次山有鬻狀如禺而長臂善投天帝山有
谿遺狀如狗席其皮者不蠱臯塗山有櫻如狀如鹿
白尾馬足人手而四角黃山有犖狀如牛而蒼黑大
目小次山有朱厭如猿而白首赤足見則大兵崇吾

山有舉父狀如禺而文臂豹虎而善投崑崙之丘有
土螻如羊而四角食人玉山有狡如犬而豹文角如
牛音如吠犬見則其國大穰章莪山有猙狀如赤豹
五尾一角其音如擊石陰山有天狗狀如狸而白首
其音如榴榴可以禦凶三危山有傲狎傲音狀如牛
白身四角毫如披蓑食人翼望山有謹狀如狸一目
而三尾其音如奪百聲可以禦凶服之已癩中曲山
有駮狀如馬而白身黑尾一角虎牙爪音如鼓音是
食虎豹可以禦兵邽山有窮奇狀如牛蝟毛音如猓

狗食人崦嵫山有執胡馬身鳥翼人面蛇尾是好舉
入諸毗水多水馬狀如馬文臂牛尾其音如呼帶山
有臙疏狀如馬一角有錯可以辟火譙明之山有孟
槐如貍而赤豪音如榴榴可以禦凶熏水多耳鼠狀
如鼠而菟首麋身音如猓犬以其尾飛食之不睬音
大腹也 可以禦百毒石者山有孟極狀如豹文題白身
善伏其鳴自呼邊春山有幽鷄音狀如禺而文身善
笑見人則臥其鳴自呼蔓聯山有足訾狀如禺而有
鬣牛尾文臂馬蹏見人則呼單張山有諸犍狀如豹

長尾人首而牛耳一目善吒行則銜其尾居則蟠其尾灌題山有那父狀如牛而白尾其音如許潘侯山有旄牛狀如牛而四節生毛少咸之山有窳窳狀如牛而赤身人面馬足音如嬰兒食人獄沔之山有山獬狀如犬而人面善投見人則笑其行如風見則天下大風北嶽山有諸懷狀如牛而四角人目彘耳其音如鳴雁食人隄山有狢音么狀如豹而文首敦頭山多驎音勃馬牛尾而白身一角其音如呼鉤吾山有狗鴉羊身人面目在腋下虎齒人爪其音如嬰兒食

人北囂山有獨狻

音谷

狀如虎而白身犬首馬尾彘鬣

梁渠山有居暨狀如猪而赤毛其音如豚太行山有

驪狀如麤羊四角馬尾而有距善還

旋舞也

其鳴自呌

馬成山有天馬如白犬而黑頭見人則飛其鳴自訶

天池山有飛鼠狀如兔而鼠首以其背飛陽山有領

胡狀如牛而赤尾其頸鬣狀如勾瞿其鳴自諛食之

已狂秦戲山有辣辣音棟狀如羊一角一目目在耳後

其鳴自呼乾山有獮音原狀如牛而三足其鳴自諛倫

山有羆狀如麋其川在尾上川羆也泰山有狢狢音桐狀

如豚而有珠其名自訓空桑山有幹幹狀如牛而虎
文其音如欽其鳴自叫見則天下大水餘莪山有狝
徐仇餘狀如菟而鳥喙鴟目蛇尾見人則眠見則蝨
蝗爲敗耿山有朱獮狀如狐而有翼見則其國有恐
姑逢山有獬獬音狀如狐而有翼其音如鴻雁見則
天下大旱鼻麗山有螿姪狀如狐而九尾九首虎爪
音如嬰兒食人礪山有崱崱音狀如馬而羊目四角
牛尾其音如猓狗見則其國多狡客尸胡山有嬰音
胡狀如麋而魚目其鳴自訓踣音隅山有精精狀如

牛而馬尾其鳴自叫北號山有獨狙音狀如狼赤首

鼠目其音如豚食人欽山有常康狀如豚而有牙見

則天下大穰剡山有合窾狀如彘而人面黃身赤尾

音如嬰兒食人亦食蟲蛇見則天下大水太山有蜚

音狀如牛而白首一目而蛇尾行水則竭行草則死

見則天下大疫甘棗山有難音狀如猓鼠而文題食

之已癭霍山有肫肫狀如狸而白尾有鬣食之可以

已憂昆吾山有蠶蜮狀如彘而有角其音如號食之

不昧蔓渠山有馬腹狀如人面虎身音如嬰兒是食

人敖峯山有夫諸狀如白鹿而四角見則其邑大水

扶豬山有響音銀狀如貉而人目釐山有犀渠狀如牛

蒼身音如嬰兒有獺音頡狀如獮犬而有鱗其毛如燕

鬣苦山有山膏狀如逐音卽豚赤若丹火善詈放臯山

有文文狀如蜂枝尾而反舌善呼蛇山有狔狼狀如

狐而白尾長耳見則國內有兵豐山有雍和狀如蟻

赤目赤喙黃身見則國有大恐依軻山有獐音吝狀如

犬虎爪有甲善駛音執奮食者不風樂馬山有猴其

狀如彙赤如丹火見則國大疫倚帝山有狙如狀如

獻音吠鼠白耳白喙見則國有大兵鮮山有移音移卽狀

如膜太赤喙赤目白尾見則邑有火歷石山有梁渠

狀如狸而白首虎爪見則國有大兵卽公山有蛇音詭

狀如龜白身赤首可以禦火白民之國有乘黃狀如

狐其背上有角乘之壽二千歲北海內有駒駘狀如

馬有駮狀如白馬鋸牙食虎豹有蛩蛩狀素奴馬一

走百里有羅羅狀如虎而青青丘國有狐四足九尾

朝陽谷有天吳八首人面八足八尾皆青黃汜林有

狴狴知人名其為狀如豕而人面巴蛇之西有旄馬

狀如馬四節有毛昆侖山有開明身大類虎而九首
皆人面東嚮立昆侖上犬封國有吉量文馬縞身朱
鬣目若黃金乘之壽千歲林氏國有騶吾大若虎五
彩畢具尾長於身乘之日行千里流波山有夔狀如
牛蒼身而無角一足出入水則必風雨其光如日月
其聲如雷黃帝得其皮爲鼓楛以雷獸之骨聲聞五
百里流沙東有跂踴左右有首有雙雙三青獸相并
淑士國有狴鳥五彩而有冠衡天山有猎猎黑蟲狀
如熊南方有崗音菌狗青獸如菟以上見山海經荒外

大山不晝木火中有鼠重千斤毛長二尺細如絲居
火中以水沃之卽死其毛可爲火浣布北方層冰厚
百丈有鼠在水下土中重千斤其毛八尺爲褥可以
卻寒其皮蒙鼓聲聞千里南方有無損獸人割取肉
不病其肉自復肉可作鱉西方荒中有訛獸狀若菟
人面能言常欺人西荒有倒壽如虎豪長三尺人面
虎足口牙一丈八尺北方有窮奇似牛而色狸尾長
曳地其聲似狗狗頭人形鉤爪鋸牙逢忠信之人嚙
而食之逢姦邪者則捕禽獸而飼之以上見神異經

翁韓國有飛骸獸如鹿青色死而頭尾及骨皆飛去
大秦國有花蹄牛其色駁高六尺尾環繞其身角端
有肉蹄如蓮花善走多力跡在石上皆如花形脩彌
國獻駁騾高十尺毛色赤斑背有日月之象以上見
洞冥記炎洲有風生獸似豹青色大如狸燒之薪盡
而不然毛亦不焦以鐵鎚鍛其頭數十乃死張口向
風須臾復活火林山有火光獸大如鼠毛長三四寸
或赤或白毛可爲布以上見十洲記魏文時尸塗國
獻青色之牛足如馬蹄日行三百里瀛洲有獸名嗅

石其狀如麒麟嗅石則知有金玉吹石則開岱輿有
嗽月形如豹夜噴白氣其光如月可照數十畝昆吾
山有獸大如兔毛色如金食土下之丹石穴地爲窟
亦食銅鐵胆腎皆如鐵其雌者色白如銀以上見拾
遺記海有却塵犀然其角辟塵致之於座塵埃不入
楔偷龍頭馬尾虎爪長四百尺善走以人爲食封傲
山中有怒毛獸若不嗔毛短三寸若嗔毛長三尺日
南郡出果下牛樂浪郡出果下馬并高三尺以上見
述異記蔡茶義獸兩頭似鹿見後漢書虎虎之有角

者見爾雅檮杌如虎毛長六尺人面虎足猪牙尾長一丈八尺見蟬史狃豹無前足見爾雅

怪水有旋龜狀如龜而鳥首虺尾其音如判木珮之不聾可以爲底柢山之水有鮭狀如牛陵居蛇尾有翼羽在鮭下音如留牛冬死而夏生食之無腫疾英水多赤鱗音懦狀如魚而人面音如鴛鴦食之不疥浪水有虎蛟魚身蛇尾音如鴛鴦食者不腫可以已痔黑水有鱒魚狀如鮒而毳毛其音如豚見則天下大旱太華山有肥蠶六足四翼見則天下大旱招水多

鮮魚其狀如鼈其音如羊丹水多人魚觀水有文鰩魚狀如鯉魚身鳥翼蒼文白首赤喙常行西海遊於東海以夜飛其音如鸞雞其味酸甘食之已狂見則天下大穰桃水多鰩音滑魚狀如蛇而四足食魚落水多蠻蠻鼠身鼈首音如吠犬浣水多冉遺之魚魚身

蛇首六足其目如馬耳食之使人不昧可以禦凶濛

水有羸魚魚身而鳥翼音如鴛鴦見則其邑大水涓

水有鱗魚音騷狀如鱣魚動則其邑有大兵濫水有鰲

魮如玳之魚狀如覆鉢鳥首魚翼魚尾音如磬石之

聲是生珠玉諸毗之水多滑魚狀如鱣赤背音如梧
食之已疣彭水多儵音由魚狀如雞而赤毛三尾六足
四首其音如鵲食之可以已憂譙水多何羅之魚一
首十身音如吠犬食之已癰囂水多緇音摺之魚狀
如鵲十翼鱗皆在羽端音如鵲可以禦火食之不癩
大咸山有長蛇其毛如彘豪其音如鼓析敦薨之水
多赤鮭敦水多鮪音沛之魚食之殺人滾澤多鱧音藻
魚如鯉而雞足食之已疣諸懷之水多鮪音詣魚魚身
而犬首其音如嬰兒食之已狂渾夕之山有蛇一首

兩身名曰肥遺見則大旱晉水多鯀魚狀如儵而赤
鱗其音如叱食之不騷決水多人魚狀如鯉魚四足
音如嬰兒食之已癰疾留水有鮪音階父之魚狀如鮒
魚魚首彘身食之已嘔浴水有大蛇赤首白身其音
如牛見則邑大旱食水多鱮鱮之魚狀如犁牛其音
如彘鳴泚水多箴魚其狀如儵其喙如箴食之無疫
疾狩山水多堪孺之魚塗水多儵音條鱮音容狀如黃
蛇魚翼出入有光見則邑大旱澧水有珠璣音鱉魚狀
如肺而有目六足有珠其味酸甘食之無癘深澤有

鯰音之魚狀如鯉而六足鳥尾其鳴自叫又多蟻

龜蒼體水多鱗魚狀如鯉而大首食者不疣泚水多

芷魚狀如鮒一首而十身其臭如薜蕪食之不糲止

也氣膏水多薄魚狀如鱣而一目其音如歐見則天下

大旱子桐水多鰮魚狀如魚而鳥翼出入有光其音

如鴛鴦見則天下大旱渠豬水多豪魚狀如鮪赤喙

尾赤羽可以已白癩勞水有飛魚狀如鮒食之已痔

術鮮水有鳴蛇狀如蛇而四翼音如磬見則邑大旱

陽水多化蛇狀如人面而豺身鳥翼而蛇行其音如

叱呼見則邑大水正回水多飛魚狀如豚而赤文服

之不畏雷可以禦兵豪水多旋龜狀如鳥首而鼈尾

其音如判木橐水多修辟之魚狀如鼃而白喙其音

如鴟食之已白癩狂水多三足龜食者無大疾可以

已腫來需水多鱗魚黑文狀如鮒食者不睡合水多

騰魚狀如鰕居達蒼文赤尾食者不癱可以為癯休

水多鯿魚狀如蟄雖而長距足白而對食者無蠱疾

可以禦兵從水多三足鼈枝尾食之無蠱疫海內南

經有已蛇食象三歲而出其骨服之無心腹之疾以

上見山海經北方有石湖有橫公魚刺之不入煮之
不死以烏梅二枚煮之則熟食之可止邪病東南海
中溫湖有鱠魚長八尺食之宜暑以上見神異經善
苑國貢一蟹長九尺百足四螯因名百足蟹漢有丹
蝦長十丈鬚長八尺有兩翅其鼻如鋸數過國貢能
言龜長一尺二寸盛以玉匣豁一孔以通氣東方朔
日唯承桂露以飲之以上見洞冥記含明國有大螺
名躑步負其殼露行冷則復入其殼生卵着石則軟
取之則堅明王出世則浮於海際淵洞有魚長千丈

色斑鼻端有角噴水爲雲輪困五色員嶠有水蚕長
七寸黑色有角有鱗以霜雪覆之然後作蠶長一尺
其色五彩織爲文錦入水不濡投火不燎有神龜八
足六眼背負七星日月八方之圖腹有五岳四瀆之
象岱輿有螢火大如蜂聲如雀八翅六足以上見拾
遺記東海有牛魚形如牛剝其皮懸之潮水至則尾
起潮水落則尾伏南海有水蟲名筋有小蟹大如榆
莢筋開甲食則蟹亦出食筋合甲蟹亦還入爲筋取
食生死不離龍巢山下丹水中有丹魚割其血塗足

可涉水如履平地以上見述異記南方有冷虵長數尺色白不螫人執之冷如握冰見酉陽雜俎

中土有枳首之虵西方有共命之鳥康居之雞尾長三尺頻伽之鳥音遍十方海鳥毛長三丈蛺蝶翅闊四尺北冥之鵬翼若雲條支之雀卵如甕鷄雉之尾六尺海蝦之須四尺騶虞尾長於身啄木舌長於味後猓尾大於斗鷓鴣胡大於囊

帶無足鷄一足猿三足從從六足鼯鼯八足鯨十二足海月三十足螂蛆四十足馬蚊百足三足之蟾氣

中人四足之蟹毒中人鳥鰓八足懷板而含墨射工三足角弩而氣矢

河豚以三爲部鰕鱗以三爲率鷄崇朝而三唱羊一歲而三生虎之搏物勢止三躍鼠之易腸月則三吐巫峽之猿三聲而斷腸益州之蠶三熟而充貢黿卵如雞子一產三百數丸取土作丸三百而潮至

牛曰斑特猪曰長喙參軍羊曰須髯主簿雞曰長鳴都尉鷺曰兀地奴龜曰玄衣督郵鼈曰河伯從事蟹曰橫行介士鮫曰河伯健兒鼉曰河伯使者燕曰天

女鵲曰神女。蟬曰齊女。蚓曰歌女。螟蛉曰戎女。蜚曰香娘子。鷦曰巧婦。蛾曰射工。鳥曰哺公。鴿曰飛奴。鷓曰翠奴。鷗曰功曹。又吐綬鳥。亦曰功曹。鼃曰長史。雀曰嘉賓。於菟曰山君。猿曰參軍。童子魚曰土父。蟋蟀曰王孫。又曰懶婦。鼃曰社公。蝦蟇曰田父。鳶曰風伯。雝鷖曰雪姑。蚊蚋曰黍民。螳螂曰圻父。鴛曰蚌母。蠨蛸曰喜子。鶯曰金衣。公子蜻蛉曰赤弁。丈人鸛鶴曰八哥。鳥鰾曰海若。白事小吏。山中辰日稱雨師者龍也。山中申日稱人君者猴也。山中未日稱赤吏者

顰也。山中卯日稱丈人者兔也。蟲寓屋壁者曰守宮。鳥在川澤者曰澤虞。或名虎爲李父。或呼鳩爲郭公。蠍或名爲主簿。魚或名爲秦皇。杜伯以尾而螫人。縊女懸絲而自斃。鳥應泰山役者。或名曰催工。雀自塞北來者。或名曰突厥。

蟻銜入耳。蛭蟻入肉。短狐含沙射影。則瘡蠹蝮遺溺。中影則疾。鼯鼠口甘所嚙。不痛。鴉鳥聲惡。所鳴不祥。禺獲人而笑。獺見人而慙。迅頭舉石以摘人。墮弄銜矢而反射。熊直眼而惡人之橫目。孔雀文尾而妒。

人之美衣。天門山之封蟒以氣。而喻人先提山之鈎。豸以尾而鈎人。蜀山之獲掠頰人而結室。西方之獠要路人而求合。

龍珠在領。鮫珠在皮。蛇珠在口。鼈珠在足。魚珠在眼。蚌珠在腹。孕環之兔。懷於左腋。文毛間包百五十年。轉瞬而隱形。懷珠之蛇。喜投暗。見人張口而吐氣。如燼鹿。戴玉而角斑。魚懷珠而鱗紫。通天之角。戴於犀首。明月之珠。出於鯨目。鵲喙槐實而結玉於腦。麝啖柏葉而結香於臍。燕識寶而羣鵲龍取珠。而拏鼇嗽。

金如雀而吐金。藏珠如鳳而吐珠。易定之水。馬吐珠。劉鋹之苑。羊吐珠。蛇報隋侯。銜珠而照。乘龍鬪武寧。墜珠而如輪。牝馬產石於咸陽。大如升。而有綠毛。白龍吐黃金於汾州。廣有尺而長五寸。

螺飾器。鮫飾刀。蜃飾牆。鷄飾冠。華蟲飾袞。兕皮制鎧。鼈尾注于狼牙柱。式鼉皮冒鼓。明瓦透光。鳧羽爲旌。鷺翰爲縷。鴻鴈之羽爲儀。鷓鴣之膏瑩刀。獾糞爲兵。可以切玉。鼈旃得火。可以燃鐵。鷓羽製扇。以辟蚊。鷓羽爲裘。以辟寒。鷓羽可以爲箭。隴疎角可錯石。鶴

糞化石鶴石歸酒蜈蚣之脊骨可爲硯海魚之腮毛
可織屏風幻倭蚌之淚作畫晝隱而夜見烏鰓之墨
爲券暫存而久滅蜃脂和蠟爲燭其烟上成樓閣之
狀香聞百步夔皮冒鼓而擊以雷獸之骨聲聞五百
里

王者有明德而天下平世樂之鳥至有孝德於幽遠
比翼之鳥至鰥寡無棄比肩之獸至三才得所三角
之獸至王道成則騶虞至獄訟平則獬廌至能用人
則龍馬至能致太平則黑狐至道純則白鹿至德盛

而赤兔至貴人賤馬而白馬朱鬣集德及幽遠而雙
魚白澤臻妾媵有制白燕巢政惠不苛白虎仁刑罰
得中銀麇馴鍾律和調玉羊見德至鳥獸白鳥下好
生惡殺則鳥鵲之巢可俯而窺不漉池而漁德達深
淵則黃龍應氣而游池沼刳胎殺夭則麒麟不至摘
巢毀卵則鳳皇不翔

槃瓠銜戎將之首的盧脫檀溪之厄黃耳繫吳洛之
書羣燕填丁姬之壙烏龍喉張然之奴鸚鵡告楊崇
之賊符堅急難馬垂繩而出井郝經拘宋鴈繫書以

通元鵲窺獄門報景逸詔赦之下龜浮邾水濟毛寶
孤軍之沉天寶馴象努目祿山之使舞昭宗弄猴奮
擊朱溫之篡唐犬噬狄靈慶以報袁粲之孤羣蟻穴
獄地以脫董昭之繫龍識帝真朝藝祖於江亭之戰
虎知正氣乘卓敬於晦冥之歸馬或負賊而返陳鶴
或銜珠而酬恩熊母負人而出坎秦吉了戀漢而背
胡犬濡水濕艸以斷醉主之火路鼈銜藻繞體以解
厨婢之熱疾野狐尚聽百丈法螺獅猶護金剛經十
千游魚聞佛號化爲天子五百蝙蝠聽法音總作聖

賢蟒聞懺以生天龍聽經而悟道

葛介繻聞牛鳴曰是生三犧高祐識鮫鯉曰是出三
吳子產証黃熊於羽淵東方朔射蠃蜒於覆器符朗
食鷲知蒼白之處蔡衡識鸞辨青赤之文竇攸識鼯
鼠之豹文孫亮辨蚤中之鼠矢鸚鵡爲鷓掠張茂先
教以喙其足而免駿馬死郭景純取類獮獲者吸其
鼻而甦龜名元緒諸葛恪烹之以老桑始無言而熟
狐化美少年雷煥照以燕昭墓千年華表柱莫遁其
形雉出庫中張華知其爲蛇化蝶蛻橘上陸龜蒙賦

其爲蠹化婦刃夫而誣鄰管輅占鵲聲於縣閣粟覆車而載道楊宣知雀語於部行海將有災爰居避之而先至柳下惠所以訕臧孫也遠方當來歸義而騶牙先見其齒前後若一齊等無牙東方生所以爲習事也朱泚之軍猫乳鼠崔祐甫識其爲失性董生之家雞乳狗韓昌黎美之爲嘉祥漢五色鳥集殿庭賈逵以爲胡降之徵宋野象自來京師朝臣以爲廣南平之應蠃鼠出於延陵郭璞筮爲妖人稱制不久而滅大蛇出芒山胡僧無畏知其欲決水瀦洛城咒以

天竺法數日而裂會孝秀而磨見孫盛以爲四科復興之祥漢章末鳳皇百四十九見何敞以爲羽孽帝崩之兆嵐州獻牡獸徐鉉據圖史以爲麟契丹產異獸劉敞證形聲以爲駮雉集漢署而不止王音疏成聽之不聰馬入鄴官而無見佛圖澄嘆石災之將及李東陽述龍生九子以對孝廟之問張昇名白蟻虎而著異物之類

鵲傳枝烏茹沫鷺目成而受胎鶴形接而懷卵龜鱉相顧神交也鶴鶴相唳氣交也龍卵生而風化虱氣

化而卵生蝦蟇聲抱鴛鴦交頸鯊魚胎生玄鶴胎化
雀浴沙而受卵驚隔津而望卵鰻以影漫鱧而子附
其髻鵑寄巢生子而鳥爲之哺兔望月孕子而口
出蝌蚪聞雷脫尾而脚生蛟龍水居而卵剖於陵鵠
鵠巢木而子生於穴蝮蛇生圻副母腹寒蠋生圻裂
母背鮫魚之子驚入母腹鳩鵲之子飛銜母翼雀四
時有子鴿逐月有子鷩將生子呼母應雛既生母呼
子應

蜉蝣三日蠶二十七日蟬三十日螻蛄不知春秋鼠

壽三百猿猴八百狐狸鹿各千鶴二千龜三千六百
燕千年生胡髯龜千年解人言虎千年牙蛻而角生
蟾蜍千年頭上有角額下有丹書八字千歲樹精爲
青羊萬歲樹精爲青牛百歲狐狸化爲美女百歲蝙蝠
懸爲仙鼠

蛇蟠向壬鵲巢向歲狐潛上伏蝨避正南燕避戊巳
蝠忌庚申狼識虛實虎奮衝破蛇曉方藥鳩善禁呪
啄木畫符水鶴禹步鷓行讓草木而愛其嗉雉高避
霜雪而惜其尾雁有奴而伺夜羊有頭而率羣烏烏

反哺其母蜂蟻各隨其王羚羊夜宿懸角以掛木鴻
鴻露居勅水以遠蠱虎食青泥而解箭毒雉采地黃
以擦鷹傷蚺蛇自見金瘡明膽之無蜘蛛下擦蚓泥
化蜂之螫

聲性驚而喜山麋性迷而喜澤鹿性警而喜林牛喜
順風馬喜逆風驛馬喜前駑馬喜後麋喜音聲麇喜
文彩鳥喜閒曠鵲喜稠鬧龍喜珠玗猊喜毬淫魚喜
琴瑟之音河鮪喜采線之色

龍食燕肉鳳食竹實鳩食草犀牛食荆棘蛇食菜

黃鰻鱧緣樹食藤花神龜緣樹食鳴蟬蛟食犀角蚺
蛇食鹿蜃食燕子獾蛇雞食銅鐵鳩鳧雁食砂石

鳥翼右掩左雄左掩右雌蜂尾有岐者牝銳者牡鱗
臍圓者牝尖者牡又雄曰狼蝥雌曰博帶鶉雄曰鵲
雌曰痺鳩雄曰運日雌曰陰諧馬牡曰鶯牝曰鸞鷲
雄者斑雌者褐獾雄者黑雌者黃鴿雌乘雄鸞雌負
雄鳩鷄雌前而雄後舒雁雄呼而雌和鹿一牡而游
數十牝海狗百牝而隨一牡鷲鳥雄小而雌大庶鳥
雄大而雌小鳥之雄鷲於雌獸之牝猛於牡雄龍角

昂峭目深鼻鬚尖鱗密上壯下殺朱火燁燁雌龍角
靡鼻直目圓鱗薄尾壯於腹鰲黃之雌雄相儷蛤蚧
之雌雄相隨兔雖望月而孕其實雌舐雄毛孔雀雖
聞雷而孕其實雌接雄影稀差南中之鳥雌雄繞樹
而飛人食其精一毫足助一宵鮓魚孟貢江所產牡
者羣多牝而遊夷人常食其肉一日能御百女
蛟眉連蝮鼻反鳥無胃肺蜃蛤無臟蛭以空中而生
蠶以無胃而育虎無小腸豹無前足鴛之指有前而
無後牛羊之齒有上而無下牛目有豎瞳而無橫瞳

故見物輒長羸之股有鎖骨入而不能出故不能滋
息龍之聽以角牛之聽以鼻馬有耳而聾蜂蝶之屬
以鬚當鼻蛇牙之屬以腹當足蟬蜩胸鳴響於口螭
螭背行駛於脚丹熏之山耳鼠以尾飛天池之山飛
兔以背飛

金得伯勞之血則昏鐵得鴟鵂之膏則瑩石得鵲髓
則化玉得蟾肪則軟銀得雉糞則枯錦得魚汁則鮮
羊脂柔銀殺角縮賀翡翠屑金螭蟹敗漆駝糞爲烟
可殺壁虱羚羊角爲擊可碎金剛鳳味爲膠可以續絃

言明
卷之二十九
三五
龜脂得火可以然鐵

蜀騶虞見壁山而二鹿隨之漢五色大鳥見新城而
衆鳥隨之唐麟見龍州一鹿引之而羣鹿隨之宋吉
祥鳥見代州四黃鳥導之四鵲隨之魏白燕集於盛
樂舊都而玄鳥隨之以千數周鳳皇集於梁州楓樹
而衆鳥列代以萬數唐宋州有異鳥色青類鳩鵲羣
鳥翼衛嘽稻梁哺之晉鳳皇將九雛見於豐城而羣
鳥隨之唐鳳皇集於陳州衆鳥數萬前後翊從行列
整齊色別爲羣宋鳳皇集於清遠縣之合懽樹高六

尺衆鳥隨之而東北去白州有三鳳自南來入城中
羣禽周繞身長九尺冠如金杯唐武功獲大鳥狐首
肉翅毛赤如蝙蝠四足有爪長四尺餘羣鳥隨而噪
之陝州有雉二首向背而連頸羣雉數百來鬪殺之
魏淄之境羣鳥啣木爲城高三尺方十里滕縣羣鳥
嘽柴爲城中有白鳥一碧鳥一吳兩鳥銜鵲墮於東
館孫權使相朱據燎鵲以祭二大鳥高丈餘皜身朱
足見於火頓隋煬命工圖形立銘頌焉

晉懷時洛陽地陷而二鷺出蒼者飛而白者止晉元

時濬縣掘地而二天出雌者死而雄者活唐如意中
濟源水碾之柱中有鮎魚長尺餘隋煬時淮陽女垣
之下中有鯉魚長七尺唐德宗時魚或戴蚓游於江
西之溪澗金虜八年龍或捧嬰戲於熙州之灤塘先
天二年蛇蝦蟆鬪於朝堂蛇長踰丈而蝦蟆如盤宣
和四年玄武見於雄州龜大如錢而蛇若朱漆筋
宋眞宗時舒州之甘蟲人面綠毛紺爪嘴其聲曰甘
唐懿宗時吳越之大鳥四目三足其聲曰羅平晉懷
時羣鳥鳴於陳後主之蔣山曰柰何羣鳥鳴於劉豫

之內庭曰休也張林之犬人言曰天下人餓死晉惠
時張騁之牛人言曰天下亂乘我何之晉武時死牛
頭言於幽州宋高宗時雞言於陳州隋文末二豕言
於渭南之民舍避歲水北之姊家

胎生者眼胞自上而瞋卵生者眼胞自下而瞋濕生
者眼無胞化生者眼無竅蜮無目蟒圓目鷄旋目鳩
方目鳩以睛交蛇以眼聽魚目不瞋雞好邪視龍不
見石魚不見火雀夕瞽鴟晝盲貓睛當午斂縱如線
鷄目遇夜明察毫末馬夜行其目光所照三丈虎夜

行一目放光一目看物

龍之異以骨故能吸氣茹精龜之異以殼故可卜而
先知犀之異以角故孕星蚌之異以珠故欲月麝之
異以臍故香可通關鹿之異以角又獨皮裹而可食
獺之異以肝故月生葉而可祛瘵猩之異以血故
可染物而不渝玳瑁之異以甲故可器鯊魚胎生也
其異以皮故可鞞麟角鳳嘴其異以膠故可以續斷
絃

唐裴旻終日射虎後遇小虎則馬辟易而弓矢俱墜

老人曰君前所射者彪也周永昌中涪州多虎有一
大虎逐虎而噬之錄奏曰檢瑞應圖乃酋耳也據是
則世間所見者皆彪大於虎者為酋耳小於彪者方
為虎也

說略卷之三十

蟲注下

江寧顧起元太初輯

馬賦有云其名則汗血山子桃駘綠耳金喙騰黃騶
 吾吉光蒲稍啓服野麋蛾鹿白蟻雞斯蜚鴻母兒遺
 風騶裏茲白織驪尸子曰馬有紫燕蘭池秀騏逢隄
 黃子曰馬有晨風黃鵠按符瑞圖曰黃帝有馬曰飛
 黃一曰騰黃乘黃吉黃翠黃又紫黃狀如狐乘之壽
 三千歲吉量乘之壽千載此出犬戎見山海經又瑞

國家圖書館, NATIONAL CENTRAL LIBRARY, TAIWAN. R.O.C.

說略卷之三十

江寧顧起元太初輯

蟲注下

馬賦有云其名則汗血山子桃駘綠耳金喙騰黃騶
 吾吉光蒲稍啓服野麋蛾鹿白蟻雞斯蜚鴻母兒遺
 風騷裏茲白織驪尸子曰馬有紫燕蘭池秀騏逢騮
 黃子曰馬有晨風黃鵠按符瑞圖曰黃帝有馬曰飛
 黃一曰騰黃乘黃吉黃翠黃又紫黃狀如狐乘之壽
 三千歲吉量乘之壽千載此出犬戎見山海經又瑞

國家圖書館, NATIONAL CENTRAL LIBRARY, TAIWAN. R.O.C.

應圖禹有飛兔日行三萬里騶囊日行萬八千里應
劭曰一日行萬五千里太公六韜曰散宜生賂紂者
曰鷄斯又犬戎吉彊義渠茲白能食虎豹周書曰正
北獻馱馱馱馱生七日而超其母呂覽曰伊尹說湯
天子有遺風之乘周穆王傳八駿一曰赤驥二曰盜
驪三曰白義四曰踰輪五曰山子六曰渠黃七曰華
騮八曰綠耳史道碩畫本名同又有名翠虬者見揚
雄河東賦王子年拾遺記則一曰絕地二曰翻羽三
曰奔霄四曰超影五曰踰輝六曰超光七曰騰霧八

曰挾翼疑未見穆王本傳故也韓非子曰延陵卓子
乘蒼龍桃文之乘左傳唐成公有驪驢又圖有舍陽
紅驃黃鵠晨風綠蛇紫燕古今注曰秦始皇有七馬
一曰追風二曰白兔三曰躡景四曰追電五曰飛翾
六曰銅雀七曰晨鳧一曰神鳧史記曰項王有烏騅
西京雜記曰漢文帝自代還有九馬一浮雲二赤電
三絕羣四逸驃五紫燕騮六綠螭驄七龍子八麟駒
九絕塵號爲九逸後得千里馬却之漢書曰武帝有
天馬西極馬天馬汗血洞冥記曰東方朔遊吉雲之

地越扶桑之東得神馬曰步景馮奉世傳曰宣帝有大宛象龍世說曰昭烈有的盧魏書魏武有絕影後漢書呂布有赤兔寰宇記張飛有玉追曹真有驚帆拾遺記曹洪有白鶴穆天子傳注魏文有鮮卑黃耳又遺孫權織驪陳王獻魏文大宛紫駢崔洪十六國春秋呂光有天驥載記慕容廆有赭白通鑑姚襄有驚眉驕水經注赫連世有白口驕南齊書齊高祖有龍驤赤宋書袁顗有飛燕晉載記冉閔有朱龍劉琬有騏雄伽藍記後魏河間王元琛有追風赤驥獨異

志後魏曹彰以妾換白鶻魏書昭成有馬曰騮騮小說梁武帝有照殿玉獅子又有河南國赤龍駒又有紫騮舊唐書吐谷渾有青海驄朝野僉載隋文帝有大宛師子驄唐太宗得之民間金石錄太宗有六馬拳毛騮平劉黑闥什代赤平王世充白蹄烏平薛仁果特勒驃平宋金剛颯露紫平東都青騮平竇建德又樂志太宗破竇建德乘黃驄驃回紇傳太宗又得骨利翰國十馬一曰騰霜白二曰皎雪驄三曰凝露驄四曰懸光驄五曰決波驄六曰飛霞驃七曰發電

赤八曰流金。騮九曰翔麟。紫十曰奔虹。赤開元記。唐明皇有照夜白。有玉花驄。秦再思紀異錄。天寶中大宛進馬。有紅紫青黃丁香桃花六叱撥。上自製名曰紅玉輦。紫玉輦。平山輦。凌雲輦。飛香輦。百花輦。又宋王明圖叱撥有八異。前者曰紅耳。曰死央。曰榴。曰榆。曰紫騮。其二同續博物志。肅宗有千里馬。杜陽編代宗有九花虬。德宗有神智驄。如意騮。又國史補。代宗有望雲騮。西陽雜俎。秦叔寶有忽雷駁。杜詩注。郭子儀有獅子花。卽九花虬也。畫鑿曹霸八馬圖。有玉面

騮。又有連錢驄。燕友白九馬圖。有拳毛師子。杜詩荆南節度使衛伯玉有玉腕騮。廣陵妖亂志。高駢有馬曰大鳥。五代史。朱溫賜寇彥卿一丈鳥。劉旻有契丹黃騮。號自將軍。魏王繼岌選蜀馬二十。曰麝香。踰錦耳驄。駱十二。趁日驄。徧界玉。陷水踰長命騮。孫兒驄。籠菘白。八百哥。掠地雲錦地。雪面娘。月影三玉尾。踰撒沙騮。天花駱。旋風白。宰地嬌。六尺金啣。蟬奴玉壺。清話。宋太宗有碧雲驥。邵氏聞見錄。仁宗有玉逍遙。烟雲過眼錄。李伯時貌天。慶滿川花。又有干闥所貢。

錦膊驄墨庄漫錄神宗亦有玉逍遙孔子談苑神宗
有馬曰小烏齊東野語畢再遇兗州將也有黑大蟲
常居安梅澗詩話姚興有青師子宋史曲端有鐵象
名臣言行錄西夏酋名青面夜叉有赤駝起世經轉
輪王紺馬名婆羅訶瑞應經佛生之日王家馬產駒
曰健陟

世惟知唐玄宗之有舞馬其事見明皇雜錄而不知
前已有之非常馬也山海經述海外大樂之野夏后
啓於此舞九代馬宋大明五年河南國進赤龍駒能

拜仗善舞唐中宗景龍間弘文館記有舞馬殿中奏
蹀馬之戲宛轉中律遇作飲酒樂者以口銜盃臥而
復起又異物志云大宛馬有解人語知音律者
今自御前以至諸王函簿皆有誕馬誕字義不可考
程大昌以爲袒馬義取有馬無鞍如人裸袒之袒也
引宣和鹵簿圖誕馬用色鳥周果一方氈蓋覆馬脊
不旋鞍爲證理或近之然有氈帛爲飾亦非袒矣今
却有鞍轡如常而氈覆之

周書王會所載國名物產曰青馬黑氈謂之母兒曰

稷慎以大麀曰穢人以前兒若獼猴立行聲似小兒
曰良夷以在子人首脂其腹炙之霍霍鳴曰揚州以
禹禺魚名解隃冠曰發人以鹿如鹿迅走曰俞人以
雖馬曰青丘以九尾狐曰周頭以輝羗輝羗羊也曰
黑齒以白鹿白馬曰白民以乘黃似騏背有兩角曰
東越以海蛤曰歐人以蟬蛇曰於越納謂納貢曰姑
妹珍謂珍物曰且甌以文蜃曰共人以玄貝曰海陽
以大蟹曰自深以桂曰會稽以鞮鞮可冒鼓也曰義
渠以茲白若白馬鋸牙食虎豹曰史林以酋耳身若

虎豹尾長三尺食虎豹北唐戎以閭閻卽踰似驢也
曰渠叟以鼬犬飛食虎豹曰樓煩以星施卜盧以紈
牛牛之小者曰區陽以鼈封若鼈前後有首曰規矩
以麟曰西申以鳳鳥曰氏羗以鸞鳥曰巴人以比翼
鳥曰方燭以皇鳥曰蜀人以文翰曰卜人以丹砂曰
方人以孔鳥曰夷用闐木曰康人以桴苡實如李食
之宜子曰州靡以費費曰都郭以徃徃曰奇榦以善
芳頭若雉雉佩之不昧曰高夷以噉羊羊四角曰獨
鹿以叩叩距虛曰孤竹以距虛曰不令支以玄模曰

不屠何以青熊曰東胡以黃羆曰山戎以戎菽曰般
吾以白虎曰屠州以黑豹曰禺氏以騶駼曰大夏以
茲白牛曰犬戎以吉黃之乘曰數楚以每牛牛之小
者曰匈奴以狡犬曰權扶以玉目玉之有光明者曰
白州以北閭曰禽人以菅曰路人以火竹曰長沙以
鱉曰魚復以鐘牛曰蠻揚以翟倉吾以翡翠又禹時
四海貢異物東海魚須魚目南海魚革珠璣大貝西
海魚骨魚榦魚脅北海魚魴魚石出瑱擊閭河魴江
鱣大龜五湖元唐鉅野菱鉅定羸濟中贍諸孟諸靈

龜隆谷玄玉大都鯨魚魚刀又伊尹爲湯定物貢正
東符婁仇州伊慮漚深九夷十蠻越漚鬚髮文身貢
魚支之鞞烏鯛之醬鮫鼈利劍正南甌鄧桂國損子
產里百濮九菌貢珠璣瑇瑁象齒文犀翠羽菌鶴矩
狗正西崑崙狗國鬼親枳巴闌耳貫胸雕題離丘漆
齒貢丹青白旄紕罽江歷龍角神龜正北空同大夏
莎車姑他旦略豹胡戎翟匈奴樓煩月氏織梨其龍
東胡貢橐駝白玉野馬騊駼馱良弓
季桓子穿井而獲土缶中有羊焉使人問仲尼曰穿

井而獲狗何也孔子對曰以丘之所聞羊也土之怪曰墳羊然則夫子以爲土無狗也按尸子曰地中有犬名地狼夏鼎志曰掘地得犬曰賈晉太興元四等年及隆安初皆於地中得犬使夫子而當其時不誤對哉夫子又云木石之怪曰夔蝮蝮水之怪曰龍罔象而吳先主樟樹中斫之有物面似人而狗身陸敬叔曰按白澤圖云木之精曰彭侯狀如黑狗無尾可烹食之當是時夫子又當誤對也

常獸之異者周成王時東夷進六角牛又進六角羊周厲王元年外國貢三角羊見述異記元封中大秦獻花蹄牛繞角生四耳見洞冥記岷山多夔牛重千斤見山海經臨洮有竹牛重數千斤見玉堂閑話波羅國有牛十日一割不割便困見什法盛歷國傳大月支越雋國牛亦然見玄中記博物志九真糖牛角長二丈見寰宇記扶桑國有牛角載物至二十斛見南史拂菻國有羊生土中見舊唐書月氏有羊尾重十斤割食尋生見宋膺異物志木蘭皮國羊尾大如扇春則剖腹取膏縫之復活見周致中異域志巔

賓國出青羊如翠色見酉陽雜俎蜀復山郡有五角羊成王時渠搜國獻鼬犬鼬犬者露犬也能飛食虎豹見汲冢周書天子之狗走百里執虎豹見穆天子傳杜光庭犬名吠靈可行萬里見南部新書武德中高昌王獻拂菻國狗高六寸長尺餘性甚慧能曳馬銜燭見舊唐通典波斯國多駁犬或赤日行七百里見舊唐書罽賓國狗大如驢赤色數里搖鞞以呼之見郭義恭廣志唐人唐昉拔宅升天雞犬皆去惟鼠墜下不死而腸出數寸三年易之見錄異記齊永明

中會稽鍾山有人姓蔡不知名山中養鼠數十頭呼來卽來遣去便去謂之謫仙見南齊高逸杜京產傳紅飛鼠出交阯及廣管瀧州捕其一則其一不去婦人帶之以爲媚藥見嶺表錄異罽賓國武德中獻褥特鼠喙大尾赤能食蛇被蛇螫者鼠臭而尿之卽愈見舊唐書

蘇鶡云蚩者海獸也漢武帝作柏梁殿有上疏者云蚩尾水之災能却火殃可置之堂殿今人多作鴟字顏之推爾雅亦作此鴟字按蚩尾水獸銅頭鐵額牛

角牛耳乃獸之形作鴟字非意義也

歐陽文忠詩義引賈誼新書騶虞非獸以證毛鄭之失然觀司馬相如封禪書罔騶虞之珍禽又曰般般之獸樂我君罔黑質白章其儀可喜師古注騶虞也則是騶虞之獸果見於武帝時矣山海經亦載此獸名太公六韜淮南子皆曰文王拘於羑里散宜生得騶虞獻紂張平子東京賦曰罔林氏之騶虞何平叔景福殿賦曰騶虞承獸素質仁形晉安帝時新野有騶虞見又五代史蜀書有騶虞不可謂無是獸也山海

經六豎在毛鄭前相如淮南與毛公同時在鄭前其言亦爾安得不信乎國朝永樂二年周王畋於鈞州而獲騶虞梁公潛有詩今載於文衡宣德四年滁州來安石固山有二騶虞守臣獻於朝羣臣皆賦咏之觀夏公元吉賦序有曰猊目虎身白質黑章修尾隅目不食生不踐生與埤雅所云白虎黑文尾三倍身相同

酉陽雜俎云象膽春在前左膊夏在前右膊秋則後之左膊而冬則後之右膊如龜無定體也肉有十二

般惟鼻是其本肉按埤雅象具十二生肖肉膽隨月轉在諸肉如正月屬寅在虎肉也

相如賦其上則有宛雛孔鸞騰遠射干服虔曰騰遠獸名張揖曰射干似狐能緣木夫騰遠既作獸則不應在上或禽名未可知也莊子騰猿得枳棘南都賦鸞鸞鷁雛翔其上騰猿飛獼棲其下蜀都賦後狄騰希而兢捷豈騰遠卽騰猿猿遠字相近而誤耶

獸有天祿辟邪天祿一作天鹿一作天麋考工記鳧氏注旋今時旋有蹲熊盤龍辟邪按鄧州南陽縣北

有宗資墓墓直二獸其高八尺角而鱗分鬣曳尾過壯大左曰天祿右曰辟邪皆刻膊上漢書西域傳烏弋有桃拔注桃拔一名符拔似鹿長尾一角爲天祿兩角爲辟邪無前角者爲浮都傳曰辟邪應瑞之獸也五色光輝長尾善知星變又按古玉器有玉辟邪云是高辛墓中物其首止一角或爲天祿耶漢天祿閣蓋取此名宋時交趾獻獸麟首一角而肉鱗當時不能識後沈括察其形謂是天祿然當時獻無鱗甲五色但皮肉隱鱗不說長尾未得便爲天祿也

月令仲夏日鹿角解仲冬日麋角解鹿以夏至隕角而應陰麋以冬至隕角而應陽鹿肉暖以陽爲體麋肉寒以陰爲體以陽爲體者以陰爲末以陰爲體者以陽爲末末者角也故麋茸補陽利於男子鹿茸補陰利於婦人見王楙所著甚明今人不惟一槩作男子補精益血之劑於麋鹿亦不能辨矣

今藥店醫人但知牛黃羊哀狗寶三種之藥羊哀謂治翻胃而牛黃狗寶治驚癇也然牛黃嘗用易識羊哀形如濕茅紙時亦用之狗寶乃生於狗胞中其形

質如鷲卵石面色至白碎之內有文理數十層主治噎食及癰疽瘡瘍又見越冀集中云馬有馬黑在腎此尤不特罕見亦罕聞者又有雞棲皆不知何所用也

山海經敦牂之山有𧈧肉注聚肉形如牛肝有兩目食之無盡尋復生如故陶弘景刀劍錄漢章帝鑄一金劍投於伊水中以厭人膝之怪人膝似人膝脛以下至脚有首鼻口耳手足常損害人按水經云伊水有一物如人膝頭有爪人浴輒沒不得出宋江鄰幾

雜志云徐稭廷評監稅廬州河次得一小兒手無指
無血懼而埋之案白澤圖所謂封食之多力者也視
肉蓋此類又西湖志董表儀徹屋掘土得一肉塊術
士云太歲也又本草綱目海中有一種土肉正黑長
五寸大如小兒臂有腹無口目有三十足可炙食此
又屬魚之類類乎封者也

百獸率舞釋者謂羽鱗皆可謂之獸予謂凡獸亦可
謂之禽後漢書華佗傳佗語吳譜曰吾有一術名五
禽之戲一曰虎二曰鹿三曰熊四曰猿五曰鳥此虎

鹿熊猿槩謂之禽亦百獸之例也

鼠之名甚多如鼯鼠見莊子鼯鼠見詩鼯鼠見燕山
錄鼯鼯鼠見唐書貂鼠見說文禮鼠見韓文鼯鼠見
春秋食蛇鼠見唐書鼯鼠見漢書鼯鼠見說文鼯鼠
鼠見唐韻鼯鼠鼯鼠鼯鼠鼯鼠鼯鼠鼯鼠鼯鼠鼯鼠
神異經火鼠鼯鼠鼯鼠鼯鼠鼯鼠鼯鼠鼯鼠鼯鼠鼯鼠
鼯鼠鼯鼠鼯鼠鼯鼠鼯鼠鼯鼠鼯鼠鼯鼠鼯鼠鼯鼠
鼯鼠鼯鼠鼯鼠見張揖廣雅

五鳳皆五色爲瑞者一爲孽者四其四皆似鳳並爲

妖。一曰鸛。鸛喙圓目。身義戴。信嬰禮。膺仁負智。至則疫之感也。二曰發明。鳥喙大頸。翼身仁戴。智嬰義膺。信負禮。至則喪之感也。三曰焦明。長喙疏翼。圓尾。身義戴。信嬰仁膺。智負禮。至則水之感也。四曰幽昌。兗目小頭。大身細足。脰若鱗葉。身智戴。信負禮。膺仁至則旱之感也。國語曰。周之興也。鸞驚鳴岐。說文曰。五方神鳥。東曰發明。南曰焦明。西曰鸛。鸛北曰幽昌。中曰鳳。鳳見樂叶圖。徵青。鳳謂之鶡。赤。鳳謂之鶡。黃。鳳謂之鶡。白。鳳謂之鶡。紫。鳳謂之鶡。見禽經。凡五方

之鳥。皆似鳳而非也。東方發明。全身總青。西方鸛。鸛全身總白。南方焦明。全身總赤。北方幽昌。亦曰退居。全身總黑。中央玉雀。亦曰鳳皇。全身總黃。見人鏡經。鳳有六像。一曰頭像天。二曰目像日。三曰背像月。四曰翼像風。五曰足像地。六曰尾像緯。有九苞。一曰口包命。二曰心合度。三曰耳聽達。四曰舌詘伸。五曰彩色光。六曰冠矩州。七曰距銳鈞。八曰音激揚。九曰腹戶行。見論語摘輔象。有五德。鳳頭青。故曰戴仁。鳳纓白。故曰纓義。鳳背赤。故曰負禮。鳳胸黑。故曰向智。鳳

足下黃故曰。蹈信見抱朴子。孔雀有九德。一顏貌端正。二音聲清徹。三行步庠序。四知時而行。五飲食知節。六常念知足。七不散。八少嬌。九知反覆。見增上經。田饒謂魯哀公曰。夫鷄頭戴冠者文也。足搏距者武也。敵在前敢鬪者勇也。見食相呼者仁也。守夜不失時者信也。見韓詩外傳。

少陵七歌云。嗚呼四歌兮。歌四奏。竹林爲我啼。清晝後。注詩者更作林猿。崇寧間有人自同州得一禽。大如雀。色正青。善鳴。問其名曰竹林鳥也。

耶律德光入洛陽。聞杜鵑以問李崧曰。此何聲也。崧以杜鵑對。然則五代之時。洛中已有杜鵑矣。邵康節散步天津橋。聞杜鵑聲。謂客曰。洛陽舊無杜鵑。今始至去後二十年。必有南人作相。務變更以亂天下者。邵子所謂。始至豈其一時創見而不知有前事耶。

禹貢導渭。自鳥鼠同穴。孔傳謂鳥鼠共爲雌雄同穴。而處蔡氏以爲怪誕。不足信。而謂同穴自爲山名。鳥鼠爲同穴之枝。山按爾雅。鳥鼠同穴。其鳥爲鼯。其鼠爲鼯。郭璞注。鼯如人家鼠。而短尾。鼯似鷄。而小黃黑。

色穴入地三四尺鼠在內鳥在外在隴西首陽縣鳥鼠同穴山中今鳥鼠同穴山在渭源縣二十里俗呼爲青雀山實有鳥與鼠同處於穴又甘肅永昌衛山中亦有此異鳥則灰白色夷名本周兒鼠則如郭璞所云夷名苦木兀兒不獨渭源爲然蔡氏南人又值宋南渡後鳥鼠隔在北宋宜其不信然爾雅所載豈得不聞又潯州有糖牛與蛇同穴嗜鹽裹鹽入穴取之其角如玉可以爲器物生之異固不可臆決也唐盧延遜詩樹上詔諏批頰鳥廳間壁剝叩頭蟲王

半山詩翳林窺搏黍藉草聽批頰元人送春詩批頰穿林叫新綠韓致光春恨詩云殘夢依依酒力餘城頭批頰伴啼鳥平明乍捲西樓幙院靜初聞放轆轤批頰蓋鳥名但不詳爲何形狀耳或曰卽鴨鳩也北戶錄言衡州南靈鷲鳩解嶺南野葛諸菌毒及辟溫瘴又一名鳩名對啼廣志言鷓鴣形似雌鷄其志懷南不北徂也鳴云但南不北古今注云其鳴自呼南越志云其鳴自呼曰杜薄州食之亡厲惟本草說鳴云鉤輅格磔一云聲若符不得哥哥

鳥之異名甚夥不暇徵其形唯志其名則如鷓鴣善
芳見汲冢書馱鷓鴣見唐韻王母使者皆明細鳥菘
節紫蒿見雜俎乾餘骨見南華經鷓鴣見極塗錄珊瑚
見蟬史佛現見峩嵎縣志青鳥見列仙傳鶻狂鳥鷓
鷓鴣鷓鴣鷓鴣見爾雅傳信羅平萬春服留倒挂
玄鈎見蟬史渠逸卽九頭鳥也見夷堅志金吾見前
漢百官表歸飛見俞益期牋木客見廣陵異物志鷓
鳥見南康記共命鳥生雪山見雜寶藏經駝鳥見後
漢書骨托河州之禽也見墨客揮犀鷓鴣見臨海異

物志越王鳥名糞以爲香見法真登羅山疏

淮南子有鳥鵲填河成橋渡織女之說故庾肩吾七
夕詩云倩語雕陵鵲填河未可飛宋之問云鳥鵲橋
邊一鴈飛王建云龍駕車轅鵲填石商隱云星橋橫
道鵲飛廻晏叔原云鵲慵鳥慢得橋遲張文潛云靈
官召集役靈鵲橫渡天河雲作橋爾雅翼云涉秋七
日鳥鵲首無故皆髡相傳以爲是日河鼓與織女會
於漢東役鳥鵲爲梁以渡故毛皆脫去今七月七日
絕不見鳥鵲翼日驗之鮮不髡者羅願謂秋乃鳥獸

毛毯之時又山海經羣鳥有解羽之所然必於一日
理所不能推也

史記中能馴鳥獸知其話言者伯翳見路史解牛語
者介葛盧見左傳秦仲知百鳥之音與之語皆應見
史記解鳥語者公冶長見衝波傳管輅見博物志成
子見朱賢畫贊楊宣河內太守見耆舊傳侯瑾字子
瑜見燉煌實錄又廣漢陽翁偉解馬語見論衡李南
亦解馬語見抱朴子詹何得牛鳴知牛黑而白在角
見韓非子廷尉沈僧照聽南山彪嘯云國有邊事當

選人下見梁典咸通初渤海僧隆多羅見牝豕引諸
豚而行咯咯有聲知其言向前樹陰中吃妳前果有
大槐樹見闕史白龜年得李太白書一卷能辨禽言
獸語知二雀言城西民家餘粟在地廐馬仰首而嘶
為糟熟不可食羊鞭之不動言腹有羔見翰府名談
龍門點額之說人所常談今按往記河津一名龍門
巨靈跡猶存水懸下注旁有山水陸不通龜魚之屬
莫能上江海大魚集門下數千不得上上者為龍不
上者魚故云曝鰓龍門垂耳轅下見三秦記龍門之

下每歲季春有黃鯉二魚自海見諸川爭來赴之一
歲中登龍門者不過七十一初登龍門卽有風雨隨
之天人自後燒其尾乃化爲龍矣見林登博物志鱸
鮪出鞏穴三月則上渡龍門得渡爲龍矣否則點額
而還見水經注交阯縣封谿縣有隄防龍門水深百
尋大魚登此門化成龍不得過曝鰓點額血流此水
常如丹池有泰潛江出漚山分九十九流三百里共
會一口見交州記舊說春水時至魚登龍門則有化
者至今汾晉山穴龍蛻骨角甚衆採以爲藥有五色

者見國史補蜀五城縣其上值天門天門龍升天不
達死墜此地故掘取龍骨冬夏無已見華陽國志又
有鱗曰蛟龍有翼曰應龍有角曰龍音龍無角曰蛇

音鱗龍見張揖廣雅龍未昇天曰蟠龍見方言驪龍見

莊子昆侖下泥丸處名地仙九館有癡龍如羊見幽
明錄垂龍入宣律師指中見高僧傳又憑君身入華
陽洞割取垂龍左耳來見韓文公集內典云人火得
水而滅龍火得水而熾陸佃埤雅曰龍不見石人不
見風魚不見水鬼不見地又酈道元水經注曰魚龍

以秋日爲夜蓋龍秋分而降則蟄寢於淵也

龍涎所出及形狀臭味負暄雜錄葉廷圭香譜曹昭格古論異域志居家必用瀛涯勝覽皆載其說然並不若張世南游宦記聞爲詳因備錄如左諸香中龍涎最貴廣州市直每兩不下百千次等亦五六千十千係蕃中禁權之物出大食國近海傍常有雲氣罩山間卽知有龍睡其下或半載或二三載土人更相守視俟雲散則知龍已去往觀必得龍涎或五七兩或十餘兩視所守人多寡均給之或不平更相讎殺或

云龍多蟠於洋中大石臥而吐涎魚聚而嗜之土人見則沒而取焉又一說大洋海中有渦旋處龍在下湧出其涎爲太陽所爍則成片爲風漂至岸人則取之納官予嘗叩泉廣合香人云龍涎入香能收斂腦麝氣雖經數十年香味仍在嶺外雜記所載龍涎出大食西海多龍枕石一睡涎沫浮水積而能堅鮫人采之以爲至寶新者色白稍久則紫甚久則黑又一說云白者如百藥煎而賦理黑者亞之如五靈脂而光澤其氣近於臊似浮石而輕或云異香或云氣腥

能發衆香氣皆非也於香本無損益但能聚煙耳和
香而用真龍涎焚之則翠煙浮空結而不散坐客可
用一剪以分煙縷所以然者蜃氣樓臺之餘烈也又
一說云龍出沒於海上吐出涎沫有三品一曰汎水
一曰滲沙三曰魚食汎水輕浮水面善水者伺龍出
隨而取之滲沙乃被波浪漂泊滿嶼凝積多年風雨
侵淫氣盡滲於沙土中魚食乃因龍吐涎魚兢食之
復作糞散於沙磧其氣腥穢惟汎水香可入香用餘
二者不堪又大明會典古里國及蘇門答刺國永樂

中皆貢龍涎也

龍生九子不成龍各有所好囚牛好音樂以飾胡琴
睚眦好殺以飾刀柄嘲風好險在殿角蒲牢好鳴取
爲鐘紐狻猊好座取爲佛座霸下好負重爲碑座狻
犴好訟爲獄門負屭好文在碑兩傍蚩吻好吞在殿
脊弘治間秦陵令中官問龍生九子名目於李少師
東陽李不能悉詢於吏部劉員外績乃得其說於故
冊面上所錄然亦不知所從出因據以復余憶十一
二時曾見其說於對類總龜中近因歷考傳記乃知

其說爲不經。睚眦戰國策。政曰。賢者以威忿睚眦之意。注。睚舉眼也。眦目匡也。史記范雎傳。睚眦之怨。必報。漢書杜欽傳。睚眦必報。張衡西京賦。睚眦蠶介。蒲牢班固東都賦。注。海中有大魚曰鯨。海邊又有獸名蒲牢。素畏鯨。鯨魚擊蒲牢。輒大鳴。凡鍾欲令聲大。故作蒲牢於上。所以撞之者爲鯨魚狀。後魏穆天子傳。後猊日走五百里。爾雅。後猊如號貓。食虎豹。郭璞注。卽師子也。出西域。漢順帝時。疏勒王來獻。犍牛及師子。漢書西域傳。烏弋國出師子。孟康曰。似虎正黃。

有顛形尾端太如斗。續漢書條支國出師子。章帝章和元年。安息國遣使獻師子。十洲記聚窟洲在西海中。北接崑崙。有師子博物志。魏武經白狼山逢師子。見一物如狸。跳上頭。師子伏不敢起。遂殺之。韻會。犬生二子曰。獅。狴犴。字林云。狴犴胡地野狗。似狐。黑喙。周官士射。狴侯。狴胡。犬其守在夷士。以能勝四夷之守。爲善。詩宜狴。宜獄。今文作岸。楊子狴狴使人多禮。上林賦。曼蛇。羆。狴。雅善守韻會。獄曰狴。或作犴。犬所以守。故謂獄爲犴。員。員。一作曩。一作曩。曩。一作眉。

韻會狀大貌又鼈也。一曰雖鼈爲肩廣韻壯士作力
貌西京賦巨靈鼈肩吳都賦巨鼈鼈肩虫吻當作鴟
尾言虫尾虫吻並誤王子年拾遺錄沈羽淵化爲玄
魚後人修玄魚祠以祀之嘗見其浮躍出水長百尺
噴水激浪必降大雨漢世越巫請以鴟魚尾厭火災
今之鴟尾是也唐會要漢武柏梁殿災越巫獻術言
海中有魚名虬其尾似鴟激浪則降雨遂作其形置
於殿脊以厭火災南史蕭摩訶詔其廳事寢堂並置
鴟尾已上都不見有龍子之說囚牛嘲風霸下俟考

右胡侍所記又按陸文量菽園雜記博物志逸篇云
鼈鼈其形似龜性好負重故用載石碑螭吻其形似
獸性好望故立屋角上蒲牢其形似龍而小性好吼
叫有神力故懸於鐘之上憲章其形似獸有威性似
囚故立於獄門上饕餮性好水故立橋所螭蜴形似
鬼頭性好猩故用於刀柄上蠶蛉其形似龍性好風
雨故用於殿脊上螭虎其形似龍性好文彩故立於
碑文上金猊其形似獅性好火煙故立香爐蓋上椒
圖其形似螺螭性好閉口故立於門上今呼鼓了非

也。虺蜥其形似龍而小，性好立險，故立於護朽上。鰲魚其形似龍，性好吞火，故立於屋脊上。獸吻其形似獅子，性好食陰邪，故立門環上。金吾其形似美人首，魚尾有兩翼，其性通靈不睡，故用巡警。此與前微異，且多五獸而形體較詳，然不知其何所本也。

左傳筮短龜長，杜預注曰：筮數龜象象長數短，此譬說也。孔穎達云：神以知來，智以藏往，是以極妙。雖龜之長無以加此，以至理而言卜筮實無長短，蓋亦知杜之謬而不敢規之。今按獻公卜驪姬卜吉而筮凶。

卜人曰：筮之辭所言理短，龜之辭所言理長，故下文遂引龜辭蓋卽立驪姬一事而非謂筮龜有長短也。周禮龜人六龜之屬曰天龜靈屬地龜繹屬東龜果屬南龜獵屬西龜霜屬北龜若屬史記龜策傳凡八名龜曰北斗曰南辰曰五星曰八風曰二十八宿曰日月曰九州曰王龜。唐六典太卜卜龜九類曰石龜泉龜蔡龜江龜洛龜海龜河龜淮龜旱龜爾雅易十朋之龜曰神龜靈龜攝龜寶龜文龜筮龜山龜澤龜水龜火龜。

于頔在海南。日夜方三更。忽曉如日初出。移時復暗。徧嶺南。皆然後有海客言某日夜海中見一大金鰲。浮出目光照耀天地如白晝。徐復沒。驗其日正。同乃知古所謂日夜出者亦鰲光之所爲也。

古人稱魚之美者。吳王闔閭征夷入海。據洲而守。東風大震。水上見金色。逼海而來。繞沙洲百匝。所司撈水得魚。食之美。夷人不獲一魚。遂降。吳王因以魚腹腸肚以醎水淹之。送與夷人。因號鯷鯢。吳王歸思海中。所食魚所司云。薨之矣。吳王索之。味美。因書美下。

著魚是爲鰲字。今从鰲非也。見吳地記。子思居衛。衛人釣於河。得鰈魚焉。其大盈車子。思曰。鰈魚魚之難得者也。見孔叢子。左慈在曹操坐。曰。恨少松江鱸魚耳。慈因求銅盤貯水。以竹竿鐔釣於盤中。須臾引一鱸魚出。見後漢書。介象與吳王共論鱸魚爲上。乃於殿庭作坎。汲水滿之。并求釣象起餌之。須臾得魚。淳化閣帖作鱸魚。見神仙傳。虞嘯父爲侍中。帝從容問曰。卿初不聞有所獻。替嘯父家近海。謂帝有所求。對曰。時尚溫。鰲魚蝦鮓未可。致帝大笑。見晉書。褚彥回

元徽中授中書監侍中時淮北屬魏江南無鱖魚間
有至者一枚直數千錢有獻彥回三十枚見南齊書
峴山下漢水中出鰻魚肥美常禁人采捕以槎斷木
謂之槎頭縮項鰻宋張敬兒爲刺史獻齊高帝一千
六百頭見襄陽耆舊傳桃花流水鱖魚肥見一品集
又巨口細鱗狀似松江之鱸見東坡集嘉魚出於丙
穴見蜀都賦魚知丙穴由來美見杜工部集洛鯉伊
魴貴於牛羊見洛陽伽藍記

淮南子曰瓠巴鼓瑟而淫魚出聽說者曰淫魚頭與
身枕半其長文餘鼻正白身正黑口在額下伏侶鬣
有鬣而無鱗出於江中其性喜音聞樂作則出頭水
上聽之是聽瑟獨淫魚爲然今談者胥謂瓠巴鼓瑟
而游魚出乃若槩指凡魚於其出處不無小誤也

楊廷秀因舉河魴所原起古書未見載錄者以問尤
延之曰左太冲吳賦叙王鮪鰈鮠劉淵林注鰈鮠魚
狀如科斗大者長尺餘腹下白背上青黑有班文性
有毒雖小獺大魚不敢啖之蒸煮食之肥美以是考
之河魴本原莫明白於此廷秀驗視之言無殊因嘆